

Namo tassa bhagavato arahato sammāsambuddhassa

## Lokanīti

### 1. Paṇḍitakaṇḍo

1. Lokanītiṃ pavakkhāmi,  
Nānāsatthasamuddhaṭaṃ;  
Māgadheneva saṅkhepaṃ,  
Vanditvā ratanatthayaṃ.
2. Nītiloke purisassa sāro,  
Mātā pitā ācariyoca mitto;  
Tasmā hi nītiṃ puriso vijaññā,  
Ñāṇī mahā hoti bahussutoca.
3. Alasassa kuto sippaṃ,  
Asippassa kuto dhanāṃ;  
Adhanassa kuto mittaṃ,  
Amittassa kuto sukhaṃ;  
Asukhassa kuto puññaṃ,  
Apuññaassa kuto varaṃ.
4. Sippā samaṃ dhanāṃ natthi,  
Sippaṃ corā nagaṇhare;  
Idha loke sippaṃ mittaṃ,  
Paraloke sukhāvahaṃ.
5. Appakaṃ nātimaññeyya,  
Citte sutaṃ nidhāpaye;  
Vammikodakabindūva,  
Cirena paripūrati.
6. Khuddoti nātimaññeyya,  
Vijjaṃ vā sippameva vā;  
Ekampi pariyodātaṃ,  
Jīvitakappakāraṇaṃ.
7. Sele sele na māṇikaṃ,  
Gaje gaje na muttikaṃ;  
Vane vane na candanaṃ,  
Ṭhāne ṭhāne na paṇḍitaṃ.
8. Paṇḍito sutasampanno,  
Yattha atthīti ce suto;  
Mahussāhena taṃ ṭhānaṃ,  
Gantabbaṃva sutesinā.
9. Sine sippaṃ sine dhanāṃ,  
Sine pabbatamāruhaṃ;  
Sine kāmassa kodhassa,  
Ime pañca sine sine.
10. Suti sammuti saṅkhyāca,

Yogā nīti visesakā;  
Gandhabbā gaṇikā ceva,  
Dhanu bedā ca pūraṇā.

11. Tikicchā itihāsā ca,  
Joti māyā ca chandati;  
Ketu mantā ca saddā ca,  
Sippāṭṭhārasakā ime.
12. Apuṭṭho paṇḍito bherī,  
Pajjunno me hoti pucchito;  
Bālo puṭṭho apuṭṭhopi,  
Bahumpi bhaṇate sadā.
13. Potthakesu ca yaṃ sippaṃ,  
Parahatthesu yaṃ dhaṇaṃ;  
Yathākicce samuppanne,  
Na taṃ sippaṃ na taṃ dhaṇaṃ.
14. Jalappamāṇaṃ kumuddanālaṃ,  
Kulappamāṇaṃ vinayo pamāṇaṃ;  
Byattippamāṇaṃ kathītavākyāṃ,  
Pathaviyā pamāṇaṃ tiṇa milātaṃ.
15. Appassuto sutāṃ appaṃ,  
Bahūṃ maññati mānavā;  
Sindhūdakaṃ apassanto,  
Kūpe toyaṃva maṇḍuko.
16. Pathamaṃ parājaye sippaṃ,  
Dutiyaṃ parājaye dhaṇaṃ;  
Tatiyaṃ parājaye dhammaṃ,  
Catutthaṃ kiṃ karissati.
17. Byatta putra kimalaso,  
Abyatto bhārahārako;  
Byattako pūjito loke,  
Byatta putra dīne dīne.
18. Mātā verī pitā satru,  
Kena bāle na sikkhitā;  
Sabhāmajjhe na sobhanti,  
Haṃsamajjhe bakoyathā.
19. Kaṇṭakaṃ giri ko tikkhati,  
Ko añjanaṃ migakkhikaṃ;  
Uppathaṃ pallale ko sugandhaṃ,  
Kula-putta-rūpo ko pavattati;  
Sāmaṃ-bhāvo.
20. Na rasaṃ akotambulaṃ,  
Adhanassa, laṅkatampi;  
Alonakantu byañjanaṃ,  
Byākaraṇaṃ asippassa.

21. Sussusā sutasampanno,  
Sutāpaññāya pavaḍḍhati;  
Paññāya atthaṃ jānāti,  
Ñāto attho sukhāvaho.
22. Bhojanaṃ methunaṃ niddā,  
Goṇe posepi vijjati;  
Vijjā viseso posassa,  
Taṃ hīno gosamo bhavo.
23. Natthi vijjāsamaṃmittaṃ,  
Naca byādhisamo ripu;  
Naca attasamaṃ pemaṃ,  
Naca kammaṃsamaṃ balaṃ.
24. Haṃso majjhe na kākānaṃ,  
Sīho gunnaṃ na sobhate;  
Gadrahamaṃmajjhe turaṅgo,  
Bālamaṃmajjhe ca paṇḍito.
25. Yāvajīvampi ce bālo,  
Paṇḍitaṃ payirupāsati;  
Na so dhammaṃ vijānāti,  
Dabbi sūparaṃsaṃ yathā.
26. Muhuttamaṃ ce viññū,  
Paṇḍitaṃ payirupāsati;  
Khippaṃ dhammaṃ vijānāti,  
Jivhā sūparaṃsaṃ yathā.
27. Vinā satthaṃ na gaccheyya,  
Sūro saṅgāmaṃbhūmiyaṃ;  
Paṇḍitvāddhagū vāṇijo,  
Videsagamano tathā.
28. Dhananāsaṃ manotāpaṃ,  
Ghare duccharitāni ca;  
Vañcanañca avamaṃsaṃ,  
Paṇḍito na pakāsaya.
29. Pattānurūpaṃ vākyaṃ,  
Sabhāvarūpaṃ piyaṃ;  
Attānurūpaṃ kodhaṃ,  
Yo jānāti sa paṇḍito.
30. A-dhanassa rasaṃ khādā,  
A-balassa hathā narā;  
A-paññassa vākya-kathā,  
Ummattaka-samā ime.
31. Anavhāyaṃ gamayanto,  
A-pucchā bahu-bhāsako;  
Atta-guṇaṃ pakāsento,  
Ti-vidhaṃ hīna-lakkhaṇaṃ.

32. Appa-rūpo bahum bhāso,  
Appa-pañño pakāsito;  
Appa-pūro ghaṭo khobhe,  
Appa-khīrā gāvī cathe.
33. Maṇḍūkepi ukre sīhe,  
Kākaggahe piye piye;  
A-pañḍīpi paṇḍī hutvā,  
Dhīrā pucche vaye vaye.
34. Maṇḍūkepi ukre sīhe,  
Sūkarepi uhe dīpe;  
Bilāre sadise byagghe,  
Sabba dhīre sippa-same.
35. Na titti rājā dhanamhi,  
Paṇḍitopi su-bhāsīte;  
Cakkhumpi piya-dassane,  
Jale sāgaro na titti.
36. Rūpa-yobbana-sampannā,  
Visātha-kutha-sambhavā;  
Vijjā-hīnā na sobhanti,  
Nigandhā iva kiṃsukā.
37. Hīne putto rājāmacco,  
Bāla-putto ca paṇḍito;  
A-dhanassa dhanam bahu,  
Purisānam na maññatha.
38. Yo sippa-lobhena,  
Bahum gaṇhāti tam sippam;  
Mūgo va supīnam passam,  
Kathetumpi na ussahe.
39. Bhijjetum kumbhakāro,  
Sobhetum kumbha ghaṭṭati;  
Na khipitum apāyesu,  
Sissānam vuḍḍhi-kāraṇā.
40. Taggarañca palāsena,  
Yo naro upanayhati;  
Pattāpi surabhi vāyanti,  
Evaṃ dhīrūpasevanā.

Paṇḍitakaṇḍo niṭṭhito.

## Sujanakaṇḍo

41. Sabbhireva samāsetha,  
Sabbhi kubbetha santhavam;  
Sataṃ saddhamamaññāya,  
Seyyo hoti na pāpiyo.
42. Caja dujjana saṃsaggam,

- Bhaja sādhu samāgamam;  
Kara puññamahorattim,  
Sara niccamaniccatam.
43. Yathā udumbarapakkā,  
Bahirattakamevaca;  
Anto kimīhi sampuññā,  
Evam dujjanahaddayā.
44. Yathāpi panasāpakkā,  
Bahi kaṇḍakameva ca;  
Anto amatasampannā,  
Evam sujanahadayā.
45. Sukkhopi candanataru na jahāti gandham,  
Nāgo gato naramukhe na jahāti līlam;  
Yantāgato madhurasam na jahāti ucchu,  
Dukkhopi paṇḍitajano na jahāti dhammam.
46. Sīho nāma jighacchāpi,  
Paññādīni na khādāti;  
Sīho nāma kisocāpi,  
Nāgamaṃsam na khādāti.
47. Kula-jāto kula-putto,  
Kula-vaṃsa-surakkhato;  
Attanā dukkha-pattopi,  
Hīna-kammaṃ na kāraye.
48. Candanam sītalam loke,  
Tato candamva sītalam;  
Canda-candanasītamhā,  
Sādhu vākyam subhāsitam.
49. Udeyya bhāṇu pacchime,  
Merurājā nameyyapi;  
Sītālā narakaggipi,  
Pabbatagge ca uppalam.  
Vikase na viparitam,  
Sādhuvāyyam kudācanam.
50. Sukhā rukkhassa chāyāva,  
Tato ñāti mātā pitu;  
Tato ācariyo rañño,  
Tato buddhassanekadhā.
51. Bhamarā pupphamicchanti,  
Guṇamicchanti sujanā;  
Makkhikā pūtimicchanti,  
Dosamicchanti dujjanā.
52. Mātāhīnassa dubbhāsā,  
Pitāhīnassa dukriyā;  
Ubho mātā pitā hīnā,  
Dubbhasāca dukriyā.

53. Mātā seṭṭhassa subhāsā,  
Pitā seṭṭhassa sukriyā;  
Ubho mātā pitā seṭṭhā,  
Subhāsāca sukīriyā.
54. Saṅgāme sūra-micchanti,  
Mantīsu akūtūhalaṃ;  
Piyañca annapānesu,  
Atthe jāte ca paṇḍitaṃ.
55. Sunakho sunakhaṃ disvā,  
Dantaṃ dasseti hiṃsitaṃ;  
Dujjano sujanaṃ disvā,  
Rosayaṃ hiṃsamicchati.
56. Mā ca vegena kiccāni,  
Karosi kārāpesi vā;  
Sahasā kāritaṃ kammaṃ,  
Mando pacchānutappati.
57. Kodhaṃ vihivā na kadācinasoce,  
Makkhappahānaṃ isayo avaṇṇayaṃ;  
Sabbesa phārusa-vacaṃ khametha,  
Etaṃ khantiṃ uttamamāhu santo.
58. Dukkho nivāso sambādhe,  
Ṭhāne asucisaṅkate;  
Tato arimhi appiye,  
Tatopi akataññunā.
59. Ovādeyyānusāseyya,  
Gāpakā ca nivāraye;  
Satañhi so piyo hoti,  
Asataṃ hoti appiyo.
60. Uttamattanivātena,  
Sūraṃ bhedena nijjaye;  
Nīcaṃ appaka dānena,  
Vīriyena samaṃ jaye.
61. Na visaṃ visamiccāhu,  
Dhanaṃ saṅghassa uccate;  
Visaṃ ekaṃva hanati,  
Sabbhaṃ saṅghassa santakaṃ.
62. Javane bhadraṃ jānanti,  
Baliddaṅca vāhenā;  
Duhena dhenuṃ jānanti,  
Bhāsamānena paṇḍitaṃ.
63. Dhanamappampi sādhūnaṃ,  
Kūpe vāriva nissayo;  
Bahuṃ api asādhūnaṃ,  
Naca vāriva aṇṇave.

64. Najjo pivanti no āpaṃ,  
Rukkhā khādanti no phalaṃ;  
Vassanti kvaci no meghā,  
Paratthāya sataṃ dhanāṃ.
65. Apattheyyaṃ na pattheyya,  
A cinteyyaṃ na cintaye;  
Dhammameva sucinteyya,  
Kālaṃ moghaṃ na accaye.
66. Acintitampi bhavati,  
Cintitampi vinassati;  
Na hi cintāmayā bhogā,  
Itthiyā purisassavā.
67. Asantassa piyo hoti,  
Sante na kurute piyaṃ;  
Asataṃ dhammaṃ roceti,  
Taṃ parābhavato mukhaṃ.

Sujanakaṇḍo niṭṭhito.

#### 4. Bālājujanakaṇḍo

68. Atippiyo na kātabbo,  
Khalo kotūhalaṃ karo;  
Sirasā vāhyamānopi,  
Aḍḍhapūro ghaṭo yathā.
69. Sappo duṭṭho khalo duṭṭho,  
Sappo duṭṭhataro khalo;  
Mantosadhehi so sappo,  
Khalo kenupasammati.
70. Yo bālo maññati bālyaṃ,  
Paṇḍito vāpi tena so;  
Bālova paṇḍitamānī,  
So ve bālote vuccati.
71. Madhuṃva maññatī bālo,  
Yāva pāpaṃ na paccati;  
Yadāca paccatī pāpaṃ,  
Atha dukkhaṃ nigacchati.
72. Na sādhu balavā bālo,  
Sahasā vindate dhanāṃ;  
Kāyassa bhedā duppañño,  
Nirayaṃ sopapajjati.
73. Ghare duṭṭho ca mūsīko ca,  
Vane duṭṭho ca vānaro;  
Sakuṇe ca duṭṭho kāko,  
Nare duṭṭhoca brāhmaṇo.
74. Dīghā jāgarato ratti,

Dīghaṃ santassa yojanaṃ;  
Dīgho bālāna saṃsāro,  
Saddhammaṃ a-vijānataṃ.

75. Tila mattaṃ paresaṃva,  
Appa dosaṅca passati;  
Nāḷikerampi sadosaṃ,  
Khala-jāto na passati.
76. Nattadosaṃ pare jaññā,  
Jaññā dosaṃ parassatu;  
Guyhe kummo aṅgāni,  
Para dosaṅca lakkhaye.
77. Paṇḍitassa pasaṃsāya,  
Daṇḍo bālana dīyate;  
Paṇḍito paṇḍiteneva,  
Vaṇṇitova suvaṇṇito.
78. Luddhaṃ atthena gaṇḥeyya,  
Thaddhaṃ añjali kammunā;  
Chandānuvattiyā mūḷhaṃ,  
Yathābhūtena paṇḍitaṃ.

Bāladuḷḷjanakaṇḍo niṭṭhito.

#### 4. Mittakaṇḍo

79. Hitakāro paro bandhu,  
Bandhūpi ahito paro;  
A hito dehajo byādhi,  
Hitam araṅṅamosadham.
80. Parokkhe guṇa-hantāraṃ,  
Paccakkhe piyavādinam;  
Vajjeyya tādisaṃ mittam,  
Visakumbhe yathā madhum.
81. Dhanahīne caje mitto,  
Puttadārā sahodarā;  
Dhanavantaṃva sevanti,  
Dhanam loke mahā sakhā.
82. Jāneyya pesena bhaccaṃ,  
Bandhum vāpi bhayāgate;  
Appakāsu tathā mittam,  
Dāraṅca vibhavakkhaye.
83. So bandhu yo hite yutto,  
Pitaro honti posako;  
Tam mittam yattha vissāso,  
Sā bhariyā ca yassa nibbūti.
84. Na vissase a-vissattaṃ,  
Mittaṅcāpi na vissase;



- Kadāci kupito mito,  
Sabbam̐ dosam̐ pakāsaye.
85. Sakim̐ duṭṭhañca yo mittam̐,  
Puna sandhitumicchati;  
So maccum̐ upagaṇhāti,  
Gabbhamassatarī yathā.
86. Vahe a-mittam̐ khandhena,  
Yāva kālo anāgato;  
Tameva āgate kāle,  
Sele bhinde ghaṭam̐ iva.
87. Inaseso aggiseso,  
Satruseso tatheva ca;  
Punappunam̐ vivaḍḍhanti,  
Tasmā sesam̐ na kāraye.
88. Padumam̐va mukham̐ yassa,  
Vācā candana sītālā;  
Tādisam̐ nopaseveyya,  
Hadāyetu halāhalam̐.
89. Na seve pharusam̐ sāmim̐,  
Naca seveyya maccharim̐;  
Tato apaggaṇham̐ sāmim̐,  
Neva niggahitam̐ tato.
90. Siṅgī paññāsa hatthena,  
Vajje satena vājinam̐;  
Hatthim̐ dantim̐ sahasena,  
Desa cāgena dujjanam̐.
91. Kudesañca kumittañca,  
Kukulañca kubandhavam̐;  
Kudārañca kudāsañca,  
Dūrato parivajjaye.
92. Rogāture ca dubbhikkhe,  
Byasane sattu viggāhe;  
Rājadvāre susāne ca,  
Ye tiṭṭhanti sumittakā.
93. Sītavāco bahumitto,  
Pharuso appamittako;  
Upamam̐ ettha ñātabbā,  
Canda-sūriya-rājūnam̐.

Mittakaṇḍo niṭṭhito.

## 5. Itthikaṇḍo

94. Kokilānam̐ saddam̐ rūpam̐,  
Nārīrūpam̐ patibbatā;  
Vijjā rūpam̐ a-rūpānam̐,

Khamā rūpaṃ tapassinam.

95. Itthīnañca dhanam rūpaṃ,  
Purisānam vijjā dhanam;  
Bhikkhūnañca dhanam sīlam,  
Rājānañca dhanam balaṃ.
96. Tapassino kisā sobhā,  
Thūlā sobhā catuppadā;  
Purisā vijjavā sobhā,  
Itthī sobhāsa sāmikā.
97. Pañca ratyā sugandhabbā,  
Satta ratyā dhanuggahā;  
Eka māsā subharyā,  
Aḍḍha māsā sissā malā.
98. Hiṃ ramati paṇa,  
Haṇa ramati poka.  
Thī ramati pu,  
Khu ramati dham.
99. Jiṇṇamannaṃ pasamseyya,  
Dārañca gatayobbanam;  
Raṇā punāgatā sūram,  
Sassañca gehamāgataṃ.
100. Dvatti-patikā nārī ca,  
Bhikkhu dvatti-vihāriko;  
Dvatti-pāsa-mutto pakkhī,  
Kata-māyā bahūtharam.
101. Dujjanaṃ pahārādame,  
Mittaṃ dame a-bhāṇikā;  
Itthiñca byasanā dame,  
Rāginaṃ appa bhojanā.
102. Na ratti vinā candimā,  
Vīciṃ vinā ca aṇṇavo;  
Haṃsaṃ vinā pokkharāṇī,  
Patiṃ kaññāca sobhate.
103. Patinā janito bhogo,  
Itthiyāva saṃgoppito;  
Puriso va hi padhāno,  
Itthī suttaṃva sūciyā.
104. Sabbānadī vaṅkanadī,  
Sabbe kaṭṭhamayā vanā;  
Sabbitthiyo kare pāpaṃ,  
Labhamāne nivātake.
105. Vivādasīliṃ usūyabhāṇiniṃ,  
Sampassataṇhiṃ bahupākabhuttiniṃ;  
Aggantabhuttiṃ paragehavāsiniṃ,

Nāriṃ caḷe puttasaṭampi pūmā.

106. Bhuttesu maṇḍesu janīva kantiṇī,  
Guyheca ṭhāne bhaginīva hiriṇī;  
Kammesu pottesu karotī dāsīva,  
Bhayesu mantī sayanesu rāmaye;  
Rūpīsu sikkhī kupanesu khantiṇī,  
Sā nārī seṭṭhāti vadanti paṇḍitā;  
Kāyassa bhedāca divebhaveyya sā.
107. Sāmā migakkhī tanumajjhagattā,  
Sūrū sukesī samadantapantī;  
Gambhīranābhī yuvatī susīlī,  
Hīne kule jātāpi vivāhyā.
108. Saradaṃratu-kālānaṃ,  
Bhariyānaṃ rūpavatī;  
Jeṭṭho padhānaṃ puttānaṃ,  
Disānaṃ uttarādisā.
109. Yā icche puriso hotuṃ,  
Jāti jāti punappunaṃ;  
Sāmikaṃ apacāyeyya,  
Indaṃva pāricārikā.
110. Yo icche puriso hotuṃ,  
Jāti jāti punappunaṃ;  
Paradānaṃ vivajjeyya,  
Dhotapādova kaddamaṃ.
111. Atikkanta vayo poso,  
Āneti timbaruttaniṃ;  
Tassā issā asaddhāti,  
Taṃ parābhavato mukhaṃ.

Itthikaṇḍo niṭṭhito.

## 6. Rājakaṇḍo

112. Ekayāmaṃ saye rājā,  
Dviyāmaññeva paṇḍito;  
Gharāvāso tiyāmaṃva,  
Catuyāmaṃ tu yācako.
113. Dhanavā sutavā rājā,  
Nadī vejjo cimepañca;  
Yattha dese na vijjanti,  
Na tattha divasaṃ vase.
114. Yasmiṃ padese na māno,  
Na pemaṃ naca bandhavā;  
Naca vijjāgamo koci,  
Na tattha divasaṃ vase.
115. Aputtakaṃ gharaṃ suññaṃ,

Raṭṭhaṃ suññaṃ arājakam;  
A sippassa mukhaṃ suññaṃ,  
Sabba suññaṃ daliddakā.

116. Dhanamiccheyya vāñijjo,  
Vijjamicchē bhajesutam;  
Puttamicchē taruñitthim,  
Rājāmaccaṃ vasaṃ game.
117. Naṭṭhoyati asantuṭṭho,  
Santuṭṭho ca mahīpati;  
Lajjā ca gaṇikā naṭṭhā,  
Nillajjā kuladhītikā.
118. Pakkhīnaṃ balamākāso,  
Macchānamudakaṃ balaṃ;  
Dubbalassa balaṃ rājā,  
Kumārānaṃ rudaṃ balaṃ.
119. Khamā jāgariyuṭṭhānaṃ,  
Saṃvibhāgo dayikkhaṇā;  
Nāyakassa guṇā ete,  
Icchitabbā sataṃ guṇā.
120. Sakim vadanti rājāno,  
Sakim samaṇabrāhmaṇā;  
Sakim sappurisā loke,  
Esa dhammo sanantano.
121. Alaso gihī kāmabhogī na sādhu,  
Asaññato pabbajito na sādhu;  
Rājā anisammakārī na sādhu,  
Paṇḍito kodhano taṃpi na sādhu.
122. Bahavo yattha nettāro,  
Sabbe paṇḍitamānino;  
Sabbe mahattamicchanti,  
Tesaṃ kammaṃ vinassati.
123. Āyaṃ khayam sayam jāññā,  
Rājā sayam katākataṃ;  
Niggahe niggahetabbaṃ,  
Paggahe paggaḥārahaṃ.
124. Piṭṭhitokkaṃ niseveyya,  
Kucchināva hutāsanam;  
Sāmikaṃ sabbabhāgena,  
Paralokaṃ amohavā.
125. Aggi āpo itthimūlho,  
Sappo rāja-kulānica;  
Apayantena gantabbā,  
Acceka-pāṇahārakā.
126. Paduṭṭha-bhariya-saṃvāso,

Paduṭṭha citta dāsako;  
Sa-sappe ca ghare vāso,  
Maccu eva na saṃsayo.

127. Mūḷha sisso padesena,  
Kunārī bharaṇena ca;  
Asatā sampayogena,  
Paṇḍitoppavasīdati.
128. Mātā puttakaraṃ pāpaṃ,  
Sissapāpaṃ gurukatā;  
Rājā raṭṭhakaraṃ pāpaṃ,  
Rājapāpaṃ purohito.
129. Akodhena jine kodhaṃ,  
Asādhuṃ sādhunā jine;  
Jine macchariṃ dānena,  
Saccenālīkavādinam;
130. Adantaṃ damanaṃ dānaṃ,  
Dānaṃ sabbattha sādhaṃ;  
Dānena piya vācāya,  
Unnamanti namanti ca;
131. Dānaṃ sinehabhesajjaṃ,  
Maccheraṃ dosanosadhaṃ;  
Dānaṃ yasassī bhesajjaṃ,  
Maccheraṃ kapaṇosadhaṃ.
132. Bahūnamappasārānaṃ,  
Sāmaggiyā jayaṃ jaye;  
Tiṇehi vattate yottaṃ,  
Tena nāgopi bajjhate.
133. Sahāyo asamatthopi,  
Tejasā kiṃkarissati;  
Nivāte jalito aggi,  
Sayame vūpasampati.
134. Na raññā samakaṃ bhuñje,  
Kāmabhogaṃ kudācanaṃ;  
Ākappaṃ rasa bhuttiṃvā,  
Mālā gandha vilepanaṃ;  
Vatthaṃ sabbaalaṅkāraṃ,  
Na raññā sadisaṃ kare.
135. Na me rājā sakhā hoti,  
Na rājā hoti methuno;  
Eso sāmiko mayhanti,  
Citte niṭṭhaṃ suthāpaye.
136. Nātidūre bhaje rañño,  
Nāccāsannopavātake;  
Ujūke nātininne ca,  
Na bhaje uccamāsane.

Chadose vajje sevako,  
Tittṭhe aggaṃva saṃyato.

137. Guṇī sabbaññu tulyopi,  
Nasobhati anissayo;  
Anagghamopi maṇisetṭho,  
Hemaṃ nissāya sobhati.

Rājakaṇḍo niṭṭhito.

## 7. Pakiṇṇakakaṇḍo

138. Itthimisse kutosīlaṃ,  
Maṃsa bhakkhe kutodayā;  
Surā pāne kutosaccaṃ,  
Mahālobhe kutohiri;  
Mahātande kutosippaṃ,  
Mahā kodhe kutodhanaṃ.
139. Surā yogo vikālo ca,  
Samaṃja caraṇālasaṃ;  
Khidḍādhatta pāpamitto,  
Bhogaṇāsamukhā ime.
140. Divā nādikkhā vattabbaṃ,  
Ratto nāvacaṇa ca;  
Saṅcareyya bhayā bhīto,  
Vane vanacarī yathā.
141. Jīvantāpi matāpaṇca,  
Byāseṇa parikkittitā;  
Dukkhito byādhitomūlho,  
Iṇavā nityasevako.
142. Anāgataṃ bhayaṃ disvā,  
Dūrato parivajjaye;  
Āgataṇca bhayaṃ disvā,  
A bhīto hoti paṇḍito.
143. Niddāluko pamattoca,  
Sukhatto rogavālaso;  
Mahiccho kammārāmoca,  
Satte te satthavajjitā.
144. Duggataṃ gaccha he lābha,  
Lābhī lābhena pūrati;  
Thale pavassa pajjunna,  
Sindhu āpena pūrati;  
Natthidaṃ kammappadhānaṃ.
145. Na hi koci kate kicce,  
Kattāraṃ samupekkhate;  
Tasmā sabbāni kiccāni,  
Sāva sesena kāraye.

146. Tūlaṃ sallahukaṃ loke,  
Tato cāpalla-jātiko;  
Tato vuḍḍha manovādo,  
Pamatto buddhasāsane.
147. Pāsānachattaṃ garukaṃ,  
Tato devānacikkhaṇaṃ;  
Tato vuḍḍhānamovādo,  
Tato buddhassa sāsanaṃ.
148. Kāyassa dakkhiṇa hattho,  
Doso ettha kaniṭṭhako;  
Kaṇṇa ghānāna-makkhīnaṃ,  
Vāmo tu pāda-pāsako.
149. Tambūlassa majjha patte,  
Kuvero rakkhatī sadā;  
Mūlamhi rakkhati yakkho,  
Aggamhi kālakaṇṇikā;  
Tāni bhuñjeyya chinditvā,  
Sirī evaṃ pavaḍḍhati.
150. Sampuṇṇarakkho brahmāva,  
Accurakkho ca bissaṇo;  
Tasmā hi te pūjayantu,  
Sadā mānenti taṃ naraṃ.
151. Goṇā hi sabbagihīnaṃ,  
Posakā bhogadāyakā;  
Tasmā hi mātā pitūva,  
Mānaye sakkareyya ca.
152. Yeca khādanti gomaṃsaṃ,  
Mātu maṃsaṃva khādare;  
Matesu tesu giṃjhānaṃ,  
Dade sote ca vāhaye.
153. Gurusiddho sippārambho,  
Ravi sokrā ca majjhimo;  
Na sippo buddhacandaro,  
Sorī aṅgāca maraṇaṃ.
154. Aṭṭhamiyaṃ guruṃ hanti,  
Sissaṃ hanti catuddasiṃ;  
Sippaṃ hanti dasa sippaṃ,  
Mātāpitā ca puṇṇamiṃ.
155. Nālikaṃ satta nabhuñje,  
Na lābuṃ navamaṃ tathā;  
Dvādasa prinnaṃtriminaṃ,  
Bhuñje sippaṃ vinassati.
156. Ekaṃ caje kulaatthaṃ,  
Gāmassatthaṃ kuvaṃ caje;  
Gāma caje janapadatthaṃ,  
Attatthaṃ pathaviṃ caje.

157. Desam ossajja gacchanti,  
Sīho sappuriso gajo;  
Tattheva nidhanaṃ yanti,  
Kāko kāpuriso migo.
158. Yamhi padese na māno,  
Na pemaṃ na ca bandhavā;  
Na ca vijjāgāho koci,  
Na tattha vasanaṃ kare.
159. Caratyekena pādena,  
Tiṭṭhatyekena paṇḍito;  
A nisamma paraṃ ṭhānaṃ,  
Na pubbamālayaṃ jahe.
160. Dhana dhañña payogesu,  
Tathā vijjāgamesu ca;  
Dūtesu apacāresu,  
Cajjā lajjā tadā bhave.
161. Dvi guṇo thīnamāhāro,  
Buddhicāpi catugguṇo;  
Chagguṇo hoti vāyāmo,  
Kāmotvaṭṭha-guṇo bhave.
162. Pabbe pabbe kamenucchu,  
Visesarasavāggato;  
Tathā sumettiko sādhu,  
Viparītova dujjano.
163. Kassako vāṇijo macco,  
Samaṇo suta sīlavā;  
Tesu vipula jātesu,  
Raṭṭhampi vipulaṃ siyā.
164. Asajjhāya malā mantā,  
Anuṭṭhāna malā gharā;  
Malaṃ vaṇṇassa kosajjaṃ,  
Pamādo rakkhato malaṃ.
165. Hīnānaṃ gacchate vittaṃ,  
Vīrānaṃ santakattanaṃ;  
Vadanti ca hīnā janā,  
Pubba-kammappadhānakā.
166. Na vadanti cevaṃdhīrā,  
Vāyamiṃsu sabbakamme;  
Na ce sijjhāti taṃ kammaṃ,  
A-phalaṃ eva ko doso.
167. Nīcaṃ kulaṃ nipaṇṇānaṃ vā,  
Nirūpaṃ nibalaṃ samaṃ;  
Imaṃ kālaṃ chuttakālaṃ,  
Dhanameva visesakaṃ.



Pakiṇṇakakaṇḍo niṭṭhito.

Paṇḍito sujano kaṇḍo,  
Dujjano mitta-itthi ca;  
Rājā pakiṇṇako cāti,  
Satta-kaṇḍa-vibhūsitam.

Visuddhā cāra-therena,  
Visuddhārāma-vāsinā;  
Sabba-kulānamatthāya,  
Visodhitam pathakkhaye.